

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10 i 3/23), članova 11. stav 2. i 12. Zakona o koncesijama (Prečišćeni tekst) („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 41. sjednici, održanoj 16.08.2024. godine, d o n o s i

ODLUKU

o dodjeli koncesije za istraživanje i eksploataciju mineralnog resursa lerzolita na lokalitetu „Ograina II“, K.O. Papratnica, Općina Žepče

Član 1.

(Predmet koncesije)

- (1) Dodjeljuje se koncesija za istraživanje i eksploataciju mineralnog resursa lerzolita na lokalitetu „Ograina II“, K.O. Papratnica, Općina Žepče, koji je ograničen graničnim linijama sa prijelomnim tačkama, kako slijedi:

KOORDINATE PROSTORA		
	Y	X
A	6498737	4919758
B	6498804	4919621
C	6499057	4919680
D	6499091	4919678
E	6498878	4919590
F	6498878	4919451
G	6498737	4919460
H	6498691	4919527
I	6498617	4919589
J	6498575	4919671

- (2) Površina koncesionog polja na lokalitetu „Ograina II“, K.O. Papratnica, Općina Žepče iznosi 5,99 ha.
- (3) Zemljište na kojem bi se vršilo istraživanje i eksploatacija u katastarskom operatu Općine Žepče nalazi se na dijelu parcela označenih sa:
- a) k.č. 51/14 (sa površinom od 9055 m²) zvana „Ograina“ po kulturi šuma 3.klase, površine 47800 m² upisana u PL br.85, KO Papratnica, kao posjed: općenarodna imovina 1/1,
 - b) k.č. br. 51/5, (sa površinom od 50545 m²) zvana „Kosa“ po kulturi šuma 3.klase, površine 429235 m² upisana u PL br.85, KO Papratnica, kao posjed: općenarodna imovina 1/1, i
 - c) k.č. 4/15 (sa površinom od 300 m²) po kulturi oranica 3.klase, površine 7874 m² upisana u PL br.15, KO Papratnica, kao suposjed: Ćurić Ante Ivo sa dijelom 6/30 i ostali“.
- (4) Koncesija iz stava (1) ovog člana dodjeljuje se na 12 (dvanaest) godina računajući od dana potpisivanja Ugovora o koncesiji, od čega je vrijeme koncesije za istraživanje 1 (jedna) godina računajući od dana dobijanja Odobrenja za geološka istraživanja mineralne sirovine od nadležnog organa.

Član 2.

(Naziv koncesionara)

Koncesija iz člana 1. ove Odluke dodjeljuje se privrednom društvu „BAHFARM“ d.o.o. Sarajevo (u daljem tekstu: Koncesionar).

Član 3.

(Zaključivanje ugovora o koncesiji)

Zadužuje se ministar Ministarstva za privredu da u svojstvu Koncesora, u skladu sa ovom Odlukom i odredbama Zakona o koncesijama, zaključi Ugovor o koncesiji sa Koncesionarom, uz prethodno pribavljeno mišljenje Kantonalnog pravobranilaštva u roku od 60 dana od dana stupanja na snagu ove Odluke.

Član 4.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-14386/24

Datum, 16.08.2024. godine

Zenica

PREMIJER

Nezir Pivić

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikacije
i zaštitu okoline,

1x Ministarstvo za poljoprivredu, šumarstvo i vodoprivredu,

1x „BAHFARM“ d.o.o. Sarajevo putem Ministarstva,

1x Općina Žepče, putem Ministarstva,

1x „Službene novine Zeničko-dobojskog kantona“,

1x a/a.